

Skola Curley K-8



Manual di Pais

2018-2019

Skola Superior
493 Centre Street
617-635-8176

Skola Báziku
40 Pershing Road
617-635-8239

Website di Skola Curley K-8 - www.curleyk8.com

27 di Setenbru di 2018

Kiridus Pais/Enkaregadás,

Benvindu a Skola Curley K-8 Mi ku funsionáriu di Curley nu sta kontenti pamodi bu ta faze parti di nos kumunidadi skolar. Konformi artikuladu na nos diklarason di vizon, “*Na Skola Curley K-8 nu ta priokupa ku nos kabesa, ku kunpanheru y ku nos kumunidadi. Através di trabadju di ikipa, utilizason di dadus, prátikas di ensinu atrativus y apoius kumunitáriu, nos alunas ta bai alkansa susésu akadémiku y sosial.*”

Pájinas di es manual sta xeiu di informasons inpurtanti sobri pulítikas y prusidimentus di skola. Pais y alunas debe analiza kel kontiúdu djuntu. Si bu tene algun purgunta, pur favor txiga na sikritaria di skola (617-635-8239 or 617-635-8176). Nu ta kridita fortimenti ma kumunikason klaru y abertu é inpurtanti pa susésu di nos programa di ensinu. Pais di Curley é nos parsérus na trabadju inpurtanti di iduka kriansas di nos kumunidadi.

Na prumeru dia di skola profesor di bu fidju ta bai manda pa kaza alguns papel mutu inpurtanti na un pasta di kumunikason ki bu debe analiza ku bu fidju, sina y divolve más rápidu pusível. Pur favor sta a vontadi pa kontakta skola ku kualker purgunta.

Kunprimentus,

Katie Grassa
Diretora

Skola Curley K-8 Kódigu di Konduta

Es anu nos korpu dosenti ta bai kontinua implimentason di apoius a konportamentu puzitivu universal (PBIS) pa garanti ki tudu alunas ta resébe ensinu klaru y konsistenti sobri nos prinsipal valoris duranti ses dia di skola y tudu na Curley. Nu ta kridita fortimenti ma ensinu isplisitu di abilidadis sosio-imosional é un parti krítiku di ses ispiriénsias di aprendizajen na tudu nível di ensinu.

Nu ten tré ispetativas kumun ki nu ta inxina alunas:



Funshonárius K-8 di Curley

K1	K2	1° Anu	2° Anu	3° Anu
Laura Merdhanian Jeannie Park Hoda Hindeyeh/Eva Banks Jenny Goldstein	Traka Smith Carolyn Silva-Sanchez Emily Beck Laura Shea Elaine Cronin	Jenni Craman Sara Silverstein Laurie Ciardi Helenia Solomini Janet McDavitt Elaine Cronin Maureen Cullen Peter Mullin	Connie Redden Christina Burke Paola Locke Waverly Kidd Patty Garcia Peter Mullin	Konstantinos Petmezis Heide Signes Nelly Rivera Deirdre Anderson Joanne Mylett Laura Negoshian Julia Badiali
4° Anu	5° Anu	6° Anu	7°/8° Anu	Imerson Protejedu na Inglés 6-8
Lindsey Wright Meron Tefera Brandi Phillips Laura Strait Leida Arroyo Teresa Javaloyes Audra Bowsky	Debbie Bryson Linda Solomon-Key Kate Davis Danielle Moran Kim Daly Alicia Green Gennaro Theresa Brophy	Sharon Ennis Amy Lieberman Noraa Ricketts Sylvia Rua Annette Beaudrault Danielle West Colin McDougall Sara Quatralle	Craig Melzer Alissa Ferro Rozelta Boyd Tracy Young Olivia Peters Annette Beaudrault	Maria Amy-Moreno Nina Wessen Jordi Lotito
Alunus ku Idukason Formal Limitadu ô Interonpedu (SLIFE)	Inglés komu Sigundu Língua (ESL)	Remediason Sosial & Akadémiku 6-8 (SAR)	Profesoris di Ária di Análizi di Konportamentu Aplikadu	Instrutoris
Candida Mundo Leah Travers	Peter Mullin Charles Tewksbury Viola Pike	Kiki Iatrou Dawn Avery Lesley Peck-Oser	Kristen Mitchell Taylor Bresnahan Katie Baulier Erin Devine Hadley Keohane Kristin Clark Kandi Quarterson Tristan Maiden	Liz Spring - PACE Cassie Mountain - PACE Meg Nason - Inkluzon Caitlyn Gable - Alfabetizason K-2 Eileen Cronin- Alfabetizason 3-8
Analistas Konportamental Aplikadu	Itinerantis	Paraprufional	Munitoris di Almosu	Spesialistas
Kafunda Banks Jenn Cuartas Jackie Felteau Erin Fitzpatrick Kristen Haws Carlos Marin Amanda Quimby Laurie Shapiro Drew Belsinger Emily Wipper	Regan Andrade - SLP Debra Aviles - MTDHH Wendelyn Carruthers - SLP Suzanne Demarco - SLP Christine Fry - OT Jonathan Hatch - SLP Gloria Herrera - OT Kim Lee - SLP Ellen McCrave - PT Jennifer Richards - SLP Mark Spolidoro - APE Diana Rosero - SLP Kelly Van Clief - OT Valerie Mantis - TVI Meghan Aycock - O&M	Michelle Andrade-K2 Michelle Araujo-ABA Shauna Bennett-K1 Geju Brown-SAR Andria Butler-4th Clelia Camacho-K1 Torri Canada- ABA Monica Cawley-ABA Jeanette Ellis-ABA Arleta Faulkner- ABA Patricia Freeman- ABA Adalberto Guerrero- ABA Marietje Halbertsma- K1 Maria Kamberidis- ABA Cara Macdonald- ABA Katelyn McIrney- ABA Erica Mercado- SAR Maryclare Moran- SAR Maria Navarro- SAR Angela O'Neil- ABA Blanca Pereira- SAR Janina Rickard-Vickers- ABA S. Reid- ABA Noris Rosado- K1	Maritza Bonilla Margarita Cruz Marcia Mello Princess Ortega Gladys Rodriguez Elaine Simmons Claudia Viaud Keon Hill Hazel Hernandez	Anna Youman - Arti Peter Pizzi- Arti April Bello- Arti Emanuela Alves - Muzika Melanie Bourgeault - Muzika Kim Taylor Knight - Dansa Ava Untermyer- Dansa Michael Bertoni - Idukason Fisika Adrience Dancy - Idukason Fisika John DePalm - Idukason Fisika Mark Righini - Idukason Fisika Linda Griffith Genet Mehari - Siénsia

		Mary Ryan- K1 Janise Colon - ABA Mary Thomas - ABA Lourdes Vasquez- K2 Nubea Martorell -ABA Sharon Bellenis - ABA Katie Pulsifer - ABA Tim Konowski - ABA Blanca Pereira- SAR Lindsey Deneault - K2 Julie White - ABA		
Orientason	Infermaria	Id Spesial	Sikritaria Prinsipal	Adiministradoris
Sugeily Santos 4°-8° Anu Cristina Silva K-3	April Pumphret Keilah Santana	Jessica Burque K-3 & ASD Renee Ward Grade 4-8 & SAR	Kathleen Powers - Skola Primária Madeline Vazquez - Skola Superior	Katie Grassa - <i>Diretora</i> David Diaz - <i>Diretor Asistenti</i> Adrian Ward-Jackson - <i>Diretor di Dizenvolvimentu</i> <i>Prufisional & Inestigason</i> Lindsey Morgan - <i>Diretora</i> <i>di Dadus, Dizenvolvimentu &</i> <i>Kultura</i>

Oráriu di Skola: Oráriu di skola pa 2018-2019 é di 8:30 di sedu pa 3:10 di tardi pa tudu alunus. Tudu alunu debe sta na skola pruntu pa prende ti 8:30 di sedu. Es pulítika ta bai ser aplikadu ku rigor.

Preparason pa Skola: Sima alunus ta sai pa skola tudu dia, pur favor sertifika ma es tene tudu kuza kes ta meste pa ses dia na skola: bolsa skola, livrus, trabadju di kaza, papel sinadu, etc. Pur favor ka bu dexa bu fidju traze brinkedus pesoal ô aparelhus iletróniku pa skola. Tudu pertensis pesoal debe sta markadu klaru ku nomi di bu fidju. Pur favor traze almosus, livrus, dinheru, etc.ki skesedu pa sikritaria pa ivita interupsons di aula.

Priméru Dia Skola pa Jardin Infantil: Trazu bu alunu na priméru dia di skola pode ser un altura txeu stresanti y imosional pa alunus y ses famílais. Nu ta pidi ki pais ka entra na idifísiu na priméru simana di skola. Profesoris di K0, K1 & K2 ta bai sta na pátiu na parti di fora di Pershing Road frenti di salas K1 pa kontra ku alunus.

Xegada: Mininus ki ta bai skola a pé ô ki ta pais ta traze skola debe txiga na pátiu di skola a partir di 8:15 di sedu. Mininus ta bai ser supervizionadu na skola a partir di 8:15. **Kazu alunus txiga antis di 8:15, es debe partisipa na prugrama antis di skola.** Es pulítika podu pa garanti siguransa si nhos fidju. Alunus ki ta txiga antis di skola (entri 7:00 y

8:15 di sedu) debe bai pa porta prinsipal y rijista na sikritaria prinsipal. Oras ki un alunu entra na pátiu di skola, el ka ta dexadu sai más. Pais ki kre kontra ku profesor di ses fidju ô fala ku ses fidju duranti aula, DEBE rijista priméru na sikritaria prinsipal. Pais/enkaregadu ki ta bai pa sala di ses fidju debe uza un karton di vizitanti. Violason di es regra di suguransa inpurtanti pode rizulta na un reunion ku pais.

Saída: Alunus ta bai dadu saída 3:10 di tardi. **Alunus ka debe buskadu dipós di kel ora a non ser si es ten konsulta médiku ô emerjénsia familiar.** Pais debe spera ti ora di saída pa kontra ku mininus na frenti di porta prinsipal y *debe sina saída di ses fidju antis di es toma-s.* Si for nisisáriu pa un kriansa sai di skola ku un algen ki é ka pais/enkaregadu abitual, es ten ki ten autorizason skritu y es debe mostra identifikason ku fotu na ora di toma. Kel nota debe inklui ora, mutivu pa saída y nunbru di tilifoni undi ki pais/enkaregadu pode kontaktadu. **Tudu saídas sedu debe ben através di sikritaria pa mutivu di suguransa. Pur favor nota: nu ka pode manda un kriansa kaza ku algen menor di 18 anu.**

Lugaris da Saída:

K0/K1: Alunus a pé debe atxadu na pátiu frenti di salas K1 na Pershing Road.

K2 & 1° Anu: Alunos a pé debe atxadu na porta lateral di parki infantil na Pershing Road.

2° & 3° Anu: Alunos a pé debe atxadu pertu di Porton na Centre Street.

4°-8° Anu: Alunos a pé debe ta dadu saída na entrada prinsipal na Centre Street.

Irmons a pé: Si bu ten un alunu ki sta na 2°-3° Anu y un otu alunu na K1-1 pur favor dexa profesorís sabe na inísiu di anu y kel alunu más bedju pode tomadu pa un profesor y dadu saída ku irmons a pé na Pershing Road.

Falta di Prizensa & Atrazu: Issilenti aprendizajen é txeu inportanti pa ten susésu na skola. Asiduidadi rigular é speradu di tudu alunos, a nos ser na kazu di duensa y sirkunstánsias spesial, y ta bai uzadu pa ditirmina pasaji pa prósimu anu. Ta izijidu un notifikason sinadu y ku data di pais ta splika mutivu pa falta ô atrazu na skola pa pode justifika falta. Si alunu falta 2 ô más dias konsikutivu, pode pididu un notifikason di dotor. Alunu ku más di 4 falta injustifikadu konsikutivu na un periúdu pode resébe un sen kréditu na se karton di rilatóriu ô un nota negativu, dipendendu di si dizenpenhu akadémiku. Dipós di 3 falta injustifikadu, pais/enkaregadu ta bai resébe un avizu iskritu ta diskreve pulítika di asiduidadi y el pode pididu p-el partisipa na un konfirénsia. 5 falta injustifikadu pode rizulta na envolvimentu di Risponsável di Absentismu Distrital y pode leba a konsikuénsias Isternus. Un kriansa ki sta volta pa skola dipós di un duensa transmisível ten di tene un notifikason di dotor ta fla ma kel kriansa sta prontu pa volta pa skola antis di ser admitidu na turma.

Tudu alunu sta privistu txiga skola NA ORA.

Alunu ki ta txiga tardi debe rejista na sikritatia prinsipal y ser akonpanhadu pa un adultu ki meste bai rijista pa kriansa y skrebe mutivu pa kriansa sta atrazadu pa skola. Kualker alunu ki sta atrazadu más di 3 bes na un simestri ta bai mete di un konfirénsia ku pais. Alunu ku problemas di atrazu króniku pode tanbé enkaminhadu pa risponsável di absentismu. Alunu ki txiga dipós di 11:00 di sedu ta markadu falta di prizensa kel dia.

Rifeisons Skolar: Kafé y almosu ta sirbidu tudu dia na kafetarias di Skola Curley. Kafetaria ta abri kafé

tudu dia di skola di 8:15-8:35 di sedu. Tudu alunu pode partisipa na programa di kafé y almosu di skola y TUDU alunu sta kualifikadu a resébe kafé di grasa. Pur favo konsulta [Kalendáriu di Almosu di Skolas Públiku di Boston](#) pa atxa un menu mensal.

Programa Antis/Dipós di Skola: Programa Dipós di Skola di Skola Curley (CASP) ta bais di 3:10-6:00 di tardi, tudu dia ki ten aula. Nu ka ten ninhun programason dipós di skola na kes três dias di saída más sedu (dia antis di ason di grasa y dós últimos dias di skola. Programa ta oferése apoiu ku trabadju di kaza, enrikisimentu akadémiku y oportunitadís di laze tudu dia. Pur favor djobe nos Diretor di Programa Dipós di Skola, Erika Mercado pa más informason ô kontakta-l pa emercado@bostonpublicschools.org.

Curley tanbé ta oferése un Programa Antis di Skola pa alunu tudu palmanhan di 7:15-8:15 kordenadu pa Erika Mercado. Es programa ta oferése enrikisimentu akadémiku, artístiku y sosial pa alunu na k1-5 através di un modelu di “klubis”. Tudu alunu ki ta partisipa na Programa Antis di Skola ten di prenxe un fixa di matríkula y ten di rijista na sikritaria prinsipal. Pur favor sabe ma *ten un taxa pa partisipason*. Bolas sta dispunível konformi nisisidadi.

Transporti

Alunu ta dadu transporti di autokaru di skola pa dipartamentu skolar, di akordu ku ses inderésu. Utilizadoris di autokaru sta privistu bai skola na autokaru tudu dia. Si tiver un mudansa na es planus y bu fidju ka sta bai toma autokaru di skola, pur favor notifika profesor di sala di bu fidju pur iskritu. Si bu tiver un mudansa di última ora na planus y bu ka konsigi manda un karta iskritu, pur favor txoma **MÁS TARDAR** ti 1:30 di tardi pa nu pode garanti suguransa di bu fidju. Sen notifikason adikuadu ô atepadu, pode ser nisisáriu poi bu fidju na se autokaru di skola ke dadu. Bai skola na autokaru é un priviléjiu. Ta speradu ki tudu alunu ta obedese kondutor di autokaru y kunpri regras di suguransa di autokaru. Kazu kontráriu ta rizulta na perda di priviléjiu di uza autokaru di skola, purtantu pur favor riforsa regras di autokaru di skola ku bu fidju. Na alguns kazu pode ranjadu paraji di autokaru

alternativu. Pur favor kontakta skola pa más informason.

Kanselamentus di Skola: Di vez en kuantu é nisisáriu kansela skola pa kel dia pamodi tenpu ô imerjénsias di skola. Pur favor fika sienti na obi un anúnsiu di kanselamentu di skola di SKOLAS PÚBLIKUS DI BOSTON.

Kartons di Avaliason/Rilatóriu: Kartons di rilatóriu ta dadu trés bes pa anu na Dizenbru/Janeru, Marsu y Junhu. Di 6^o-8^o anu, profesorís di sala ta bai manda kaza Rilatórius di Prigrésu di meiu-trimestri. Pur favor le y sina rilatóriu y divolve-l pa skola na dia siginti. Kela ta bai podu na arkivu di bu fidju.

Informason Médiku/di Saúdi: Un rijistu di saúdi ta mantedu pa kada kriansa. Alunus matrikuladu na Skolas Públiku di Boston debe ten un izami fíziku. Leis di Massachusetts tanbé ta iziji ki bu fidju sta totalmenti imunizadu inkluindu kontra varisela. Non-konformidadi ku es leis pode da iskluzon di skola. Nu ten dós enfermerus na pesoal ki pode apoia famílias ku nisisidadis médiku.

Keilah Santana:

Ksantana@bostonpublicschools.org

April Pumphret:

apumphret@bostonpublicschools.org

Pulítikas di Skolas Públiku di Boston ta fla ma midikamentus (inkluindu bonba di asma) ka pode ser administradu pa un alunu duranti dia di skola sen diklarason skritu di un dotor, y debe ser adiministradu pa un enfermera rejistadu. Úniku isseson é un injeson di kaneta, ki pode se adiministradu pa un funsióariu trenadu na kazu di imerjénsia. Es informason debe ser lebadu a atenson di nos enfermera di skola, y tenbé profesorís di sala. Tanbé ta rikumendadu ki pais notifika profesor di sala di kualker problemas di saúdi atual y pasadu (iz: alerjias, asma, etc).

Pur favor anota: kriansas ku asma pode administra ramédi na ses kabesa di ses inalador si es ten notifikason skritu di un dotor y ses foi trenadu di forma adikuadu. **É mutu inpurtanti ki skola sabe kenha kontakta na kazu di imerjénsia. Pur favor**

odja ma skola ten un nunbru di tilifoni di imerjénsia atualizadu.

Pulítika di Piódju: Curley ta sigi rikumendason pa risponde a piódju diskritu pa Dipartamentu di Enfermaria di BPS. Si un dosenti atxa piódju na un alunu ô kumunikadu pa skola pa pais/enkaregadu, enfermera ta bai notifika di imidiatu. Enfermera ta bai kontakta família di kriansa pa informa-s y/ô partilha rikumendason pa tratamentu. Kriansa KA TA tradu di aula y ka ta djobedu kabesa di turma interu. Nu entantu, pode mandadu un avizu jeral pa kaza pa famílias na turma di kel kriansa pa ki otus pais pode fika vijilanti ku ses propi fidjus.

Pulítika di Tenpu Fora: En alinhamentu ku rikumendason di Dipartamentu di Enfermaria di BPS y regras di akreditason di NAEYC, Curley establese kes sigintis kritérius pa jogu fora, uzandu Vijia di Tenpu pa Kuidadu ku Kriansa komu orientason. Alunus ta bai pa fora pa rikreiu, brinkadera y idukason fízika senpri ki pusível. Úniku issesons ta inkliu:

- Txuba bedju, rilánpagu ô granizu
- Jelu ki ta kubri maior parti di parki/strutura di brinka
- Tenpu friu ki ta kai baxu di 30 grau ku un bentu forti di 15 MPH ô más
- Tenpu kenti ki ta subi pa riba di 90 grau ku un umidadi relativu di 60 ô más.

Alunus PODE bai pa fora oras ki sta nevi desdi ki linpadu un lugar adikuadu pa es pode brinka.

Tudu alunus ta enkorajadu pa ses profesorís a bisti apropiadu pa brinkadera y atividadi fora. Kazu es ka sta bistidu apropiadu, es ta dexadu la dentu pa garanti ses saúdi y suguransa. Turma intéru KA TA BAI dexadu la dentu pamodi alguns alunus ka sta bistidu di forma apropiadu. Kontudu, Curley senpri ten ki garanti ki ten supervizon sufisienti na tudu lugaris tudu ora. Kazu ten kapasidadi limitadu di supervizon di funsióarius, issesons di kel pulítika di riba pode meste ser fetu.

Prátikas Inkluzivu: Curley é un skola grandi ku populason diversu. Nu ta da konvida tudu alunus na nos kumunidadi y nu ten programs spisífiku pa apoia un leki grandi di studentis. Pa pode garanti ki

tudu alunas ta ser kapaz di ten asésu a kuríkulun y ten susésu, Curley ta uza un konjuntu di stratéjias inkluidu instruson diferensiadu y atribuison istratéjiku di pesoal adultu pa apoiu y dezafia alunas di forma personalizadu. Ainda, Curley ta uza un konjuntu di faramentas pa djuda alunas ten asésu a kuríkulu y regula ses konportamentu inkluidu brinkedus, koletis di pezu, almufadas di kadera spesializadu, etc. Si bu profesor di sala di aula sta uza un di kes rikursus li ku bu fidju, el ta bai kumunika-bu el pa garanti kontinuidadi y konsolida susésus.

Apoius a Konportamentu Puzitivu &

Risponsabilizason: Funsionáriu di Skola Curley st konprometidu a dizenvolve un klima skolar suguru y di apoiu abordandu konportamentu di alunas di formas justu y puzitivu, alinhadu ku nos tré valoris prinsipal: Nu PRIOKUPA Ku Nos Kabesa, Nu PRIOKUPA Ku Kunpanhéru, Nu ta PRIOKUPA Ku Nos Skola. Na Curley, nu ta uza kadru di Intervensons & Apoiu Konportamental Puzitivu (PBIS) pa kumunika di forma konsistenti nos ispetativas ku konportamentu di alunas, selebra susésu di alunas na sala di aula y na tudu nos kumunidade skolar y risponsabiliza alunas a difende nos prinsipal valoris. A apoia es kadru, nu ta implimenta un kuríkulun sosio-imosional pa tudu skola ki ta integra prátilas di *Sirkulu Abertu y Gabinete di Ekuidad* pa inxina di forma isplísitu kes abilidadis y stratéjias di alunas nisisáriu pa apoia ses dizenvolvimentu sosio-imosional y fumenta respetu pa diferensa umanu.

Pur favor nota ma asvez oras ki un kriansa sa pasa pa tenpu stremamenti difísil na turma, un membru di Ikupa di Administrason pode pididu pa bai pa sala di aula pa apoia-l. Asvez es apoiu ta kontise direktamenti na sala di aula ô na koredor pertu. Kazu un kriansa ka for kapaz di volta a normalidadi na sala di aula, el pode ser akonpanhadu pa un sala amigu pa un instruson, pausa supervizionadu, involve ka atividadis di poi kalma, rifleti y trabadja na abilidadis pa apoia preparason pa sala di aula. Pur favor sabe ma nos prinsipal objetivu é pa tudu kriansas pa sta na ambienti di aprendizajen di se sala pa más tenpu di dia pusível. Ainda, tudu pulítikas ki

nu ta implimenta sta alinhadu ku Kódigu di Konduta di BPS.

Finalmenti, pur favor lenbra ma TUDU funsionáriu es é riloris mandatadu. Kazu un kriansa rilata algun kuza pa un membru di pesoal di Curley en rilason a se suguransa pesoal dentu ô fora di skola, nu pode ser obrigadu a rilata kel informason.

Bullying: Curley ta sigi pulítika di bullying di BPS. Bullying é difinidu komu amiasas fíziku, verbal rilasional ô sibernetiku ta inpodu riptidamenti na un rilason undi izisti un dizikilíbriu persebedu di pudor. Si un pai/mai, kriansa ô profesor rilata un pusível situason di bullying, korpu dosenti di Curley é obrigadu a kumunika isu pa administrason/psikólugus di skola. Kel insidenti ta bai ser invistigadu y rilatadu a distritu y pais ta bai ser notifikadu di midida tomadu. Konfidensialidadi di alunas y famílias involvedu ta respetadu. Pais pode tanbé opta pa rilata un insidenti suspeitu di bullying pa Linha Grátis di Bullying di BPS: 617-592-2378.

Pulítika di Uzu di Telemóvel: Pur favor nota ma Skola Curley ta sigi Pulítika di BPS en rilason a uzu di telemóvel na skolas. Enbora nu ka ta enkoraja famílias a manda ses fidju ku tilifoni, nu ta intende rialmenti ma asves el é nisisáriu pa kumunikason antis y dipós di skola. Telemóvel pesoal di alunas debe ser mandadu pa profesor di sala na inísiu di dia y divolvedu alunu na fin di dia y/ô fika na bolsa di alunu dia intéru. *Alunus ka debe sta ta uza telemóvel pesoal ô tene-s na ses meza ô ku es na kualker ora di dia di skola.* Alunus ki viola es pulítika ta mandadu pa intrega-s na profesor di sala y pais ta bai kontaktadu. Si un kriansa konitua ta viola pulítika, el pode enfrenta ason disiplinár. Nu ta agradese bu apoiu y koperason ku es pulítika.

Teknolojia: Skola Curley ta disponibiliza teknolojia sima Google Chromebooks, Smart Boards y iPads na sala di aula pa ilimina baréras y apoia tudu alunas a ten asésu a padrons difísil y kuríkulu uzandu prinsípius di Konseson Universal pa Aprendizajen (UDL). Na kes nível báziku, alunas normalmenti ta uza teknolojia duranti ora di sentru pa reforsaonseitus bázikus ô pa

akomodason. Na kes nívél más altu, alonus ten asésu a teknolojia pa apoia aprendizajen na tudu árias téknikas, inkluíndu uzu di Google Classroom y apoiandu aplikason di google.

Pur favor nota ma BPS adota teknolojia google na sidadi intéru komu nos prinsipal sistema di informason pa alonus y funksionárius. Keli signífika ma distritu ta da TUDU Alonus di BPS un inderésu di email ora ki es matrikuladu. Komu un skola, nu ta ativa y uza inderésu di email di alonus na 3^o-5^o anu pa permiti asésu a aplikason di google. Pais di kriansas na kes anus li ta bai resébe notifikason skritu sobri isu inkluíndu nomi di utilizador y password spisífiku di ses fidju. Alonus na nívél K-2 ka ta **bai** ten kapasidadi di uza email mas es ta bai ser kapaz di ten asésu a aplikason google.

Skolas Públiku di Boston tanbé ten un Kanpanha di Suguransa Sibernetiku ki ta fala sobri modi ki bu pode djuda bu fidju na kaza ku uzu suguru di email. (<http://www.bpscybersafety.org/fresources/email.html>). Un otu grandi rikursu rikumendadu pa BPS é www.commonsemmedia.org (rejistu gratuítu nisisáriu). Nu bai monitor atividadi di alunu na skola, mas é inpurtanti ki famílias sta sienti y ta monitora atividadis online di ses fidju, inkluíndu uzu na kaza.

Trabadju di Kaza: Trabadju di Kaza é un parti integranti di prusésu di aprendizajen kontínu y dja nu kria un pulítika ku subsídus di família y profesor. Es pulítika ta bai ser konsistenti pa tudu kategoria di nívél (K-2, 3^o-5^o & 6^o-8^o). Ikipas di nívél skolar ta ben ten un planu konsistenti pa distribuison, entrega y kontiúdu di trabadju di kaza. Krensas sobri trabadju di kaza:

- Trabadju di kaza debe asociadu ku abilidadis y kapasidadis, ki foi dizenvolidu duranti dia/simana di skola.
- Ideia sentral é ki studu na kaza ta promove koperason kaza-skola, riforsa kontiúdu inxinadu y instila funksionamentu izekutivu, jiston di tenpu y abilidadis di risponsabilidadi.
- Trabadju di kaza nunca ka debe kauza ansiedadi na alonus ô altu nívél di frustason. Si bu fidju sta txora enkuantu el sta faze

trabadju di kaza pamodi difikuldadi pur favor manda un nota, txoma ô manda email pa profesor.

Dibaxu sta pulítika pa kada kategoria skolar:

- Alonus na Anus K2-2 ta bai ten 15 minutu di leitura di noti y más 15 minutu di Matimátika ô ELA. Keli ta bai totaliza un másimu di 30 minutu di trabadju di kaza tudu noti. Leitura na fins di simana ta bai ser enkorajadu.
- Alonus di 3^o-5^o Anu ta bai ten 15 minutu di leitura di noti y más 15 minutu di Matimátika ô ELA. Keli ta bai totaliza un másimu di 45 minutu di trabadju di kaza tudu noti. Leitura na fins di simana ta bai ser enkorajadu.
- Alonus di 6^o-8^o Anu ta bai ten 20-30 minutu di leitura di noti y más 30-40 minutu di Matimátika, ELA, Studus Sosial y/ô Siénsia. Keli ta bai totaliza un másimu di 60 minutu di trabadju di kaza tudu noti. Leitura na fins di simana ta bai ser nisisáriu y pode ten trabadu di prujetu di longu prazu ku prazu duranti fins di simana tanbé.

Trabadju di Kaza na Féria:

- Alonus ka ta bai ten trabadju di kaza obligatóriu na Férias di Dizenbru, Feveréru ô Abril. Si mandadu trabadju pa kaza el ta bai ser konsideradu pa kréditu estra na kel períudu. Mas ta bai ten leitura di veron ki é obligatóriu pa tudu alonus na K-8 intéru na Julhu y Agostu.

Orientason pa Pais:

- Torna trabadju di kaza un prioridadi.
- Ten interési ativu na kuza ki bu fidju sta faze.
- Disponibiliza un lugar ketu pa bu fidju faze trabadju di kaza.
- Spera ki bu fidju ta entrega trabadju di kaza na ora.
- Orienta y supervizona, mas ka bu faze trabadju di kaza 'a bu fidju.
- Enkoraja vizitas a bibilioteka.
- Le en voz altu pa bu fidju y poi fidjus más bedju pa le pa kes más novu.
- Faze ki bu fidju ikilibra se trabadju di kaza ku atividadis fíziku y di lazer.

Konfiréncias Pais-Profesor: Tudú pais sta privistu partisipa na Kaza Abertu na dia **27 di Setenbru di 5:00-7:00 di tardi** pa kontra ku profesor di se fidju y pa obi pulítikas y prusidimentis di sala di aula inpurtanti. Konferéncias familiar individual ta bai rializadu através di markason na fin di Dizenbru-Janéru. Markason pode ser fetu através di xamada pa sikritaria di skola ô direktamenti pa profesor di bu fidju.

Prugrama di Veron: Tudú veron BPS ta oferése un konjuntu di prugramas, tantu akadémiku komu enrikisimentu, pa alunus na anus K1-8°. Nós Psikólogos di Orientason ta bai manda-bu informason sobri oportunitadís di prugramas di veron na y a volta di distritu na inísiu di primavera. Pa más informason sobri oportunitadís di aprendizajen na veron pur favor kontakta **Cristina Silva - K-3:** csilva4@bostonpublicschools.org
Sugeily Santos 4°-8° Anu
ssantos2@bostonpublicschools.org

Konselhu di Pais di Skola (SPC):

Konselhu di Pais di Skola Curley ta trabadja ku Diretora pa konstrui un kumunidade skolar inkluzivu, apoia eventus na skola intéru y mobiliza fundu pa prioridatís di skola diskritu pa Konselhu di Stabilisimentu Skolar. Konselhu ta reúni tudú més. Datas y oras ta varia. **Tudú pais é automatikamenti menbrus di SPC y enkorajadu a partisipa.**

Konselhu di Stabilisimentu Skolar (SSC):

Konselhu di Stabilisimentu Skolar (SSC) é konstituídu pa pais, profesorís y Diretora. Papel di ikipa é di jeri funksionamentu di skola inklúndu aprovason di orsamentu di skola, adota pulítikas y kria parserias kumunitáriu/universitáriu. Eleisons pa riprezentatis di Konselhu di Stabilisimentu Skolar y Dilegadás di Konselhu di Pais foi rializadu na Junhu di 2018 pa nu pode kumesa logu ta funksiona.

Purgutas sobri Konselhu di Pais di Skola (SPC) y Konselhu di Stabilisimentu Skolar (SSC)? Bu sta

pensa na kuandu/modi ki bu ta involve? Pur favor kontakta nos Ko-Prizidentis Heidi Brooks (heidibrooks@yahoo.com) y Jess London-Rand (jlondonrand@gmail.com).

Vuluntáriu Pais/Enkaregadu: Vuluntariadu di pais ta enkorajadu na Curely y é senpri nisisáriu. Nu ta rikohese ma ten monti maneras ki pais pode kontribui pa nos kumunidade. Alguns des ta inklui:

- Vuluntáriu di Antis/Dipós di skola
- Vuluntáriu di Sala di almosu/Pátium di Skola
- Vuluntáriu di Sala di Aula
- Akonpanhanti na Vizita di Studu
- Tradusons Oral/Skritu
- Y MUTU MÁŠ!!!!

Pa razons di suguransa pais/enkaregadu debe konklui y pasa un virifikason di antisidentis **CORI/SORI** antis di ser vuluntáriu.

Manual: Manual y otus livrus skolar ta enpristadu pa alunus di grasa. Livrus ten di ser tratadu ku kuidadu y divolvedu pa skola en bon stadu. Pais ta bai ser responsável pa paga pa livrus perdédu ô stragadu.

Vizita di Studu: Ta bai ten oportunitadís pa alunus partisipa na atividatís fora di skola. Nes kazu, pais ten di le y sina un papel di autorizason ditalhadu. Ka ta bai permitidu ninhun alunu partisipa na vizita di studu sen un papel di autorizason. Tilifonemas y mensajen di testu es *é ka* un substitutu aseitável di papel di autorizason. **Pais/enkaregadu/familiaris ki kre akonpanha un vizita di studu DEBE prenxe y pasa fixa CORI/SORI y ten pelu menus 18 anu di idadi.**

Informason di Imerjénsia: Nu ta manti rijistus di imerjénsia konfidensial pa tudú alunu. É di grandí inpurtánsia ki skola ten un nunbru di tilifoni atualizadu pa kada kriansa, y tanbé nomi y nunbru di tilifoni di pelu menus un otu risponsável adultu ki pode ser kontaktadu na kazu di imerjénsia.

PAKTU KUMUNITÁRIU DI CURLEY

ALUNUS, FAMÍLIAS, PROFESORIS Y ADIMINISTRADORIS TA TRABADJA DJUNTU

NU TA PRIOKUPA KU NOS KABESA, NU TA PRIOKUPA KU KUNPANHÉRU, NU TA PRIOKUPA KU NOS SKOLA #CURLEYCARES

KOMU UN ALUNU DI CURLEY:

- N TA BAI KONTRIBUI PA KONSOLIDA UN KULTURA DI KUIDA MANTENDU ISPETATIVAS; *NU TA PRIOKUPA KU NOS KABESA, NU TA PRIOKUPA KU KUNPANHÉRU, NU TA PRIOKUPA KU NOS SKOLA.*
- N TA BAI FRIKUENTA SKOLA DI FORMA RIGULAR, TXIGA NA ORA Y BAI PRONTU PA PRENDE.
- N TA BAI KRIDITA MA N PODE TEN SUSÉSU Y ESTABELESE ISPETATIVA ALTU PA NHA KABESA.
- N TA BAI ENVOLVE ATIVAMENTI NA PRUSÉSU DI APRENDIZAJEN; SENPRI TA TENTA NHA MIDJOR Y TA ENKORAJA NHAS KOLEGAS A FAZE MESMU KUZA.

KOMU UN MENBRU DI FAMÍLIA/ENKAREGADU DI CURLEY:

- N TA BAI KONTRIBUI PA KONSOLIDA UN KULTURA DI KUIDA MANTENDU ISPETATIVAS; *NU TA PRIOKUPA KU NOS KABESA, NU TA PRIOKUPA KU KUNPANHÉRU, NU TA PRIOKUPA KU NOS SKOLA.*
- N TA BAI ASEGURA KI NHA FIDJU TA BAI SKOLA DI FORMA RIGULAR, TXIGA NA ORA Y BAI PRONTU PA PRENDE.
- N TA BAI KUMUNIKA NHA KONVIKSON MA NHA FIDJU TA BAI TEN SUSÉSU Y ESTABELESE ISPETATIVA ALTU PA APOIA APRENDIZAJEN DI NHA FIDJU.
- N TA BAI FAZE PARSERIA KU PROFESORIS Y ADIMINISTRADORIS PA INTENDE OBJETIVUS DI APRENDIZAJEN DI SKOLA INTÉRU Y DI TUDU NÍVEL PA-M INTENDE MODI KI-M PODE APOIA APRENDIZAJEN NA KAZA.

KOMU UN PROFESOR DI CURLEY:

- N TA BAI KONTRIBUI PA KONSOLIDA UN KULTURA DI KUIDA MANTENDU ISPETATIVAS; *NU TA PRIOKUPA KU NOS KABESA, NU TA PRIOKUPA KU KUNPANHÉRU, NU TA PRIOKUPA KU NOS SKOLA.*
- N TA BAI INVOLVE NA KUMUNIDAI CURLEY Y ABRASA INISIATIVAS NA SKOLA INTÉRU.
- N TA BAI ESTABELESE ISPETATIVA ALTU PA TUDU ALGEN Y KRIDITA MA TUDU ALUNUS TA BAI TEN SUSÉSU.
- N TA BAI FAZE PARSERIA KU FAMÍLIAS NA IDUKASON DI SES FIDJU.

KOMU UN ADIMINISTRADOR DI CURLEY:

- N TA BAI KONTRIBUI PA KONSOLIDA UN KULTURA DI KUIDA MANTENDU ISPETATIVAS; *NU TA PRIOKUPA KU NOS KABESA, NU TA PRIOKUPA KU KUNPANHÉRU, NU TA PRIOKUPA KU NOS SKOLA.*
- N TA BAI ESTABELESE ISPETATIVA ALTU PA TUDU ALUNUS, FAMÍLIAS, PROFESORIS, ADIMINSITRASON Y PARSÉRUS KUMUNITÁRIUS.
- N TA BAI FUMENTA UN AMBIENTI INKLUZIVU KI TA SELEBRA DIFERENSAS DI ALUNUS Y FAMÍLIAS.
- N TA BAI DISPUBILIZA OPORTUNIDADIS INPURTANTIS PA FAMÍLIAS PA STA ENVOLVEDU NA SKOLA Y NA IDUKASON DI SES FIDJU.

PUR FAVOR SINA DIBAXU Y ENDOSA BU AKORDU PA KU ES PAKTU.

ALUNU DI CURLEY

MENBRU DI FAMÍLIA CURLEY

PROFESOR DI CURLEY

KATHERINE GRASSA
ADIMINISTRADOR DI CURLEY